

# 元稹

## 离思五首

### 其一

自爱残妆晓镜中，环钗漫篸绿丝丛。  
须臾日射胭脂颊，一朵红苏旋欲融。

### 其二

山泉散漫绕街流，万树桃花映小楼。  
闲读道书慵未起，水晶帘下看梳头。

### 其三

红罗著压逐时新，吉了花纱嫩麴尘。  
第一莫嫌村地弱，些些纡缦最宜人。

### 其四

曾经沧海难为水，除却巫山不是云。  
取次花丛懒回顾，半缘修道半缘君。

### 其五

寻常百种花齐发，偏摘梨花与白人。  
今日江头两三树，可怜和叶度残春。